

Առաւօտ է . ահաւասիկ մեր դիմացը կ'ենէ գուարթատեսիլ հաւ մը , մերթ գլխին վրայ կը բանայ հովահար մը , մերթ կը գոցէ զայն , կարծես առաւօտեան աստղը կը բարեւէ . միշտ կը շարժի , միշտ ահաբեկ կը գողդըղայ : Սորա հայրենիքն՝ չէ՛ միայն Պոնտոս , այլ և Արարատ և Կիլիկիա , Արցախ և Սիւնիք : Սա նազելի համարուած է տեսքով և բարքով . և գիպտացիներէն կը մեծարի , և ի մեզ կը հանդիսանայ եղբայրսիրութեան օրինակ և ուրախութեան նշանակ . անշուշտ գուշակեցիր ընթերցող թէ Յոպոպն է սա :

Մինչդեռ կը գմայլինք Յոպոպին գոյնդգոյն փետրոց և գեղանի ցցուններուն վրայ , աշխոյժ թռչնիկ մը կարծես բոլորովին օտար մեր աշխարհին՝ շուարած , օդոյ մէջ իւր թռուիչներով շարժուակ լարիւրինթոսներ կը գծէ : Ծիծառն է սա , զոր ուամիկն կաթոգին կը սիրէ , և ամենայն խնամք կը տանի՝ վախնալով թէ մի գուցէ իրեն կոփուն ծիծն խայթելով , կաթէ զրկէ կենդանին . և աստի գուցէ հայկական քնքուշ անուամբ կոչուած է Ծիծառն . Ծիծ — առնել :

Շարայարեյի

Հ. ՍԻՄՈՆ Ե.

ՄԻՒԹԱՐԵԱՆ ՏՊԱՐԱՆ

Ի ԹՐԵՍ ԵՒ Ի ՎԻԵՆՆԱ

(1776-97)

(Շար. տես էջ 60)

ՎԻԵՆՆԱՅԻ ՄԻՒԹԱՐԵԱՆ ուխտին տպարանն և տպագրութիւնք , որ այնչափ փայլ պիտի յաւելուն ժամանակաւ ազգային այս արուեստին , խիստ չափաւոր սկզբնաւորութիւն մը ունեցան ի թրեստ :

Նոր մենաստան մը ի թրեստ հաստատելու եռանդեամբ , հազիւ երկու տարի անցեր էր իրենց նոր հաստատուելուն վրայ , առանց լքանելու ոչ նիւթական միջոցաց պակասութենէ և ոչ իրաց և դիպուածոց ձախող պարագաներէ , փութացին իրենց համար մասնաւոր տպարան մը ունենալու աշխատու-

թեան ետեւէ ըլլալ , որուն արտունութիւնն և կայսերական հրամանագիրն ընդունելով յաւատրիական պետութենէ , երկու տեսակ զիր ձուլել տուին , նոր հայրերու և մարց վրայ , բոլորովր և նօտր , իրենց ամէն կարեւոր պարագայիւք , զխագիւրներով և ծաղկաղբօք , և սկսան տպագրութեան գործով զբաղիլ :

Առաջին հրատարակութիւնն՝ ոտանաւոր գրուած մ'է ի պատիւ՝ իրենց մենաստանին օգնականութեան և պաշտպանող ձեռք կարկառող կայսեր , մեծաղիւր երես մը միայն : Բուն առաջին երկասիրութիւնն , 1776ին եղած է . և խորագիր կը կրէ . “ Յորդորակ առ պաշտօնասիրութիւն սրբոյ Աստուածածնի , ” : Էւ ի յառաջարանին կը ծանուցանեն երախտապարտ սրտիւ , թէ . . . “ Կամեցաք զի առաջին պտուղ տպարանիս լինիցի ի պատիւ սրբոյ Աստուածամօրն , իբր ցոյց երախտագիտութեան մերոյ առ նա վասն այցելութեանն , զոր հաւատամբ միջնորդութեամբ նորա արարեալ մեզ Աստուծոյ , ” :

Առաջին տարիներն բոլորովին տարրական և ամենանշան սետրակներ հրատարակուեցան իրենց տպարանէն . և գտնուած դիրքերուն մէջ կարելի չէր աւելի բան մը յուսալ . բայց 1783ին և հետեւորդ տարիներու մէջ աւելի կարեւոր և հետաքննական երկասիրութիւնք ալ կ'ընծայուէին , յորոց ոմանք միաբանից թարգմանութիւնք էին , և այլք աշխարհիկ ծանօթից և բարերարաց . ինչպէս թոռոյրք զՉիւնաց , Քաղաքալարոտրեան գիրք ի 1783 , և հետեւեալ տարւոյն մէջ Եզոբոսի առակք , Վիպասաւեոտրեան Ամերիկոյ , Տեօրեկեոտրիէն մարդկային կենաց , և քիչ շատ գործունէութեամբ կը շարունակեն մինչեւ 1809 , յորում Ալեուարան մը միայն հրատարակուած կը գտնենք իրենց տպարանէն :

Թէ Եւրոպոյ քաղաքական դիրքէն և պատերազմներէն թրեստ քաղաքին ձեռքէ ձեռք անցնելէն , և թէ դրամական անձկութենէ կը բռնադատուին Միւթարեանք ունեցածնին շունեցածնին թողուլ ու երթալ ապաստանիլ ի վիեննա մայրաքաղաք , կայսերական գերզատանին անմիջական հովանաւորութեան տակ . կը ստանան վանք , բնակութիւն , հան-